

Lucas Legrand


Specimen Observationum Subitarium

Basileæ: Typis Emanuelis Thurneysen, [1757]

<http://purl.uni-rostock.de/rosdok/ppn1002326184>


Druck Freier  Zugang






V. K. — 1 (21.)





Beck. de rom. discipl. publ. med. XXI.
 Becker. de Proxenetis.
 Benecke. de vero hered. pet. obj.
 Bernoulli. Obs. jurid.
 Biener. Antiquus & abeo.
 Bleyswyk. de G. Muccio Scavola.
 Castendyn. de reb. manc.
 Diemer. de juris. Tribun. plebis.
 Engelbrecht. de Consulibus.
 Gruner. de poenis roman. priuatis.
 Le Grand. Obs. subit. Spec. II.
 Haged. de jurisdictione Trib. plebis.
 Martini. de Advocatis.
 Mellmann. ad L. S. C. de Donat.
 Müller. de clausula codicill.
 Overbeck. de Collocatione depositi.
 Platner. de Legg. sumtuar. Exerc. II.
 Pohl. de fatis praeser. longis. temp.
 Rau. ^{de Becario.} ~~de~~ Responsis vetl. Actor.
 Rumpff. de jure deliberandi.
 Schlichterull. de act. pign. contra tertium.
 Schott. de coeco teste in testam.
 - hyp. test. in bonis etc.
 Stockmann. ^{de popinis rom.} ~~de~~ Separationibus.
 Trummer. ^{de cretionis solemnibus.} ~~de~~ effectu hyp. post resol. domin.
 Walch. de stipul. damni inf.
 Weber. de pecunia hereditaria.
 Wendler. de testam. fact. mulierum.
 Zepernick. de test. destituti viribus.
 --- de legitima portione parent.

32. Nov



Secundum
SPECIMEN
OBSERVATIONUM
SUBITARIUM,

QUAS

SUB AUSPICIIS SUMMI NUMINIS

EX DECRETO

AMPLISSIMI SENATUS ACADEMICI

OCCASIONE

VACANTIS INST. ET J. PUBL. CATHEDRÆ

PLACIDO CLARISS. COMPETITORUM EXAMINI

SUBMITTIT

LUCAS LEGRAND, J.U.L.

& Fori academ. Affessor.


ad diem 4. Octobr. A. P. CH. N. M DCC LVII.

H. L. Q. C.




BASILEÆ,

Typis EMANUELIS THURNEYSSEN.



T H E S. I.



Ocatio conductio ex illis est bonæ fidei contractibus, in quibus utriusque paciscentium versatur utilitas, quare dolum duntaxat & culpam præstare tenentur utrique secundum L. 5. §. 2. ff. Commodati. cum vero pacta legem dent contractui L. 23. ff. De R. I. sibi optime constat Ulpianus, quando ad præstandum casum fortuitum atque custodiam teneri pronunciat eum, qui hac lege contraxerit L. 9. §. 2. L. 13. §. 5. ff. Locat. conduct. Itaque vix ambigendum mihi videtur, interdum etiam in aliis ejusmodi causis ex arbitrio boni viri pro circumstantiis in hocce ipso contractu quid amplius aut minus præstari debere; etiam si de eo nihil expresse inter paciscentes convenerit, quippe cum solum commodum paciscentium fundamentum sit regulæ d. L. 5. §. 2. quæ adeo regula tacitam his de rebus involvere videtur conditionem: cui accedit, quod uti in omnibus bonæ fidei contractibus, ita etiam in hoc ex bono & æquo præstandum inculcatur, quod in Lege prætermisum fuerit §. 5. l. De locat. & conduct. Tit. Inst. De obligat. ex consens. cum quibus confer. L. 24. pr. ff. Locat. conduct.

T H E S.

Ea, quæ ex hostibus capimus, Jure gentium statim nostra sunt.
 Ait Imperator in §. 17. Inst. De rerum divis. ex L. 5
 §. ult. ff. De acquir. rer. domin. quo in loco Interpretes equi-
 dem in diversa abeunt, in hoc vero plerique conveniunt,
 quod res immobiles Reip. aut Duci, cujus auspiciis bellum
 geritur, acquiri statuunt, quam in rem afferre solent L. 20.
 §. 1. ff. De captiv. & possim. de mobilibus autem diversæ
 sunt diversorum sententiæ, quorum inprimis hac de re ex
 principiis Juris Gentium quomodo decernendum sit, ex Ro-
 manorum aliarumque gentium consuetudine egregie osten-
 disse mihi videtur Grotius de Jure B. & P. L. III. c. 6. Atque
 ita quidem Jure veteri Rom. aliarumque gentium sese res
 habet. Imperii autem Romano-Germanici institutis res im-
 mobiles Imperio, mobiles cuivis occupanti acquiruntur,
 modo privatis potestas prædæ causa excursions in hostem
 faciendi a Duce suo sit concessa. Ordinat. militar. de anno
 1570. (Reuter-Bestallung) Artic. 83, 84, 96. dict. Ordinat.
 militar. Artic. 203. (Sussnechts-Bestallung Artic. 62.)
 Excipiuntur tamen tormenta bellica, tum quæ ad commea-
 tum pertinent, & si quæ sunt alia horum similia. dict. Artic.
 96. dict. Artic. 203. (62.) Quare autem hoc? Respondet
 Hoppius in Commentar. ad d. §. 17. Inst. De R. D. propter-
 ea fieri, quod res ejusmodi aliis sint pretiosiores, atque eam
 ob causam immobilibus annumerari. At, inquam ego, nulla
 plane hæc est causa, cum plurimæ alia in vastatione urbium
 diripi constet, quæ pretio utique æquiparant tormenta bel-
 lica, ea, quæ ad commeatum pertinent &c. veluti sunt gem-
 mæ, tabulæ pictæ, signa, toreumata atque alia id genus,
 quæ tamen ideo populi victoris Domino hanc ob rationem
 cedere nemo dixerit. Itaque omnino aliunde hujus rei ratio
 est petenda: inde nempe, quod earum rerum proprietas aut
 ad Remp. devictam pertinet, atque adeo ita comparatæ sunt,
 ut ne recipiant quidem dominium privatorum; haud secus
 atque regalia, quæ etsi sua natura ab aliis occupari & acquiri

omnino possint, tamen commercio privatorum exempta sunt, aut immobilibus accensendæ sunt eæ res sive propter suam destinationem, sive propter coheræntiam cum immobilibus &c. Ut ne de eo aliquid dicam, quod nullum omnino usum privatis præstare possunt tormenta bellica, quippe quibus utendi ii tantum habent occasionem, quorum auspicio bellum licet gerere.

T H E S. III.

Sunt inter JCtos, qui cum de mutua Domini ac vasalli inter sese obligatione agitur, argumenta petunt ab obsequio liberti erga patronum. Hi quantum a vero aberrent, jam pridem viri doctissimi docuerunt. Ac mihi quidem ita videtur, in quibusdam convenire, in aliis autem multum distare; illud vero certo constat, neque libertum neque vasallum patronum aut dominum famosa actione convenire posse L. 2. L. 5. §. 1. L. 9. ff. De obseq. parent. & patron. præstand. Text. 2. F. 33. §. 1. Cui omnino consequens est, ut si dominus, qui tutelam vasalli impuberis susceperit, in ejus administratione suspectus fiat, ejus famæ parcere perinde oporteat, atque patroni ipsius §. 2. l. De suspect. tutor. vel curator. L. 9. ff. eod. tit. quod tamen eo rarius usu venit, quo frequentior Jure feudali in Feudis potissimum majoribus tutela est fructuaria Fleischer Inst. Jur. Feud. c. VIII. ex quo difficilior evadit malæ fidei probatio in ejusmodi tutela feudali, quam in tutela civili. Caterum in Electoribus sane inutilem hanc quæstionem esse fateor, cum in illis legitima obtineat tutela fec. A.B. Tit. VII. §. 4. ac ad Imperatorem, qua Dominum id oneris nunquam devolvatur. Atque etiam de eo, an testamentariæ locus sit, valde dubito: Quinimo Viro Illustri P. a Ludewig plane assentio, quatenus hac de re egregie differit commentar. ad A. B. loc. cit.

T H E S. IV.

Vasallus si fratrem domini sui interfecerit, beneficium non amittit, sed amittit omnino, si fratrem suum, quo solus potiretur hereditate, occiderit per diserta textus verba 2. F. 37.

2. F. 37. attamen beneficio mulctatum iri puto, qui fratrem domini sui interfecerit, si in læsionem atque contumeliam domini id eum fecisse constet. Apparet enim ex iis, quæ super reliquis felonix speciebus in Jure feudali constituta habentur, gravem quamlibet læsionem domini ex parte vasalli feloniam esse arg. 2. F. 23. & 24. nec quicquam interesse, utrum directe, an indirecte lædat dominum. v. Schilt. Inst. Jur. Feud. c. 8. Fleischer. Inst. J.F. c.xxI. Stryk. Exam. J.Feud. c.xxIII.

T H E S. V.

Quum consensus non adfit, ubi dolus intervenit vel deceptio, nihil rationi magis congruum, atque hoc, neque jusjurandum servare teneri, qui dolo ad id suscipiendum fuerit inductus. Itaque summam æquitatem adhibuisse mihi videntur Imp. Leo & Anthemius, quando in L. 42. C. De transact. Acrochirio P. P. hanc in sententiam rescripserunt, etiam civiliter retractandas esse transactiones ex falsis instrumentis initas, falso revelato, quamvis jusjurandum de his interpositum sit. Utrum vero religionis Christianæ atque etiam naturalis principiis haud repugnet, quod jurisjurandi vi metue extorti vinculo absolvunt Pontifices, veluti Cœlestinus III. cap. *Verum in ea.* 15. X. De jurejur. alique eo magis dubito, quo certius, verissimum esse illud Philosophorum postulatum, *Justum & tenacem propositi virum* nihil quicquam cogi unquam potesse (*). Quod ita tamen intelligi volo, si

A 3

non

(*) HORAT. Epist. I. 16.

*Vir bonus & sapiens audebit dicere, Pentheû
Rector Thebarum, quid me perferre, patique
Indignum coges? Adimam bona. Nempe pecus, rem,
Lectos, argentum: tollas licet. In manibus &
Compedibus sevo te sub custode tenebo.
Ipse Deus, simul atque volam, me solvet. opinor,
Hoc sentit; moriar. Mors ultima linea rerum est.*

non illicitum aut bonis moribus contrarium sit, quod jurato promittere aliquis coactus fuerit; ejuscemodi enim jurejurando, quin recte absolvant Pontificum decreta, etiam si neque vis neque metus intervenerit, dubium non est v. *Caus. xxii. Quæst. 4. cap. 58. De R. J. in Sexto.*

T H E S. VI.

Rationem computandi gradus consanguinitatis ex Jure Canon. tradit, ac speciosis magis, quam solidis rationibus fulcire conatur Alexander II. Pontifex maximus *Cap. ad Sedem. 2. Caus. xxxv. Quæst. 5.* Vix enim est, ut quicquid pro eo decreto afferant auctoritatis ejus patroni, incommoda tollere queant omnia, quibus laborat arbor consanguinitatis Juris Canonici, quippe quæ plures personas licet gradu quammaxime diversas eodem contrudit gradu, quod probe perspexerunt ipsi Pontifices. Itaque haud immerito mireris, quod apud Protestantes, apud quos nullus aut perquam certe rarus dispensationum est usus Canonica gradus consanguinitatis computandi ratio auctoritatem obtinere unquam potuerit. *Conf. Carpzov. Jurispr. Eccl. L. ii. Def. 75.*

T H E S. VII.

STICHUM AUT PAMPHILUM, UTRUM HERES MEUS VOLET TITIO DATO; *Si dixerit heres, Stichum se velle dare, Sticho mortuo liberabitur.* Ait Julianus in L. 84. §. 9. ff. De legat. 1. quæ de eo herede, qui in bona fide fuerit, & cujus neque dolo, neque culpa acciderit, ut moreretur servus legatus plane constat ex iis Paulli Recept. Sentent. L. iii. T. vi. §. 9. *Servo fataliter intereunto, legatarii damnum est, quia legatum nulla culpa heredis intercidit.* Illud vero nescio, an omnino id sufficiat, quoniam heres licet per eum non steterit, quominus periret servus legatus, interdum tamen ad id, quod interest præstandum tenetur, si verbi causa mora ejus inter-

intervenerit, L. 39. §. 1. ff. d. Tit. De legat. 1. atque adeo
per eum steterit, quominus vivo eo eum legatario traderet. L. 23.
 ff. De V. O. idque propter eam rationem, quam tradit Ul-
 pianus in L. 47. §. ult. ff. d. Tit. De legat. 1. *Potuit enim eum*
acceptum legatarius vendere.


T H E S. VIII.


Alia apud Romanos fuisse sepulchra familiaria, alia here-
 ditaria, apparet ex L. 5. ff. De relig. atque hæc quidem
 omnibus heredibus, atque adeo etiam extraneis patuisse re-
 cte existimat Hein. Synt. Antiqq. ad Inst. L. 11. T. 1. De rer.
 divis. §. 7. contra illa universæ familiæ, extraneorum autem
 nemini: de quo tamen vehementer vereor, ut consistere sen-
 tentia ejus possit cum L. 13. C. De relig. Ibidem tertium quo-
 que addit sepulchrorum genus, quod neutrius juris fuisse in-
 fert ex Grut. Inscript. P. dcccxciii, 4. P. dcccxc, 2. quibus
 adjungi posse existimo, quæ extant apud eundem P. dcccxxv,
 21. P. dcccxi, 7. P. dcccclxxxvi, 7. &c. Ac de his quidem
 atque hereditariis pluribus hic agere superfedeo. Familiaria
 autem monumenta quod attinet, cum eum potissimum in
 iis comparandis propositum sibi scopum veteres habuisse
 constet; NE DE NOMINE DEVE FAMILIA EXIRENT.
 &c. Grut. Inscript. P. dcxxxviii, 4. P. dcccclxxv, 2. P.
 mcxl, 7. aliisque, atque hanc ob causam non ea solum mo-
 numenta, a quibus extraneos arcebant cum libertis liberta-
 busque ac posteris eorum communicasse, verum etiam iis-
 dem haud infrequenter eorum fundorum reliquisse posses-
 sionem, quos in nomine ac familia uti permanerent sedulo
 curabant. L. 77. §. 15. L. 88. §. 6. ff. De legat. 2. L. 38. §. 2.
 L. 94. ff. De legat. 3. L. 108. ff. De condit. & demonstrat.
 junct. L. ult. C. De verb. & rer. signif. equidem dissimulare
 haud possum, infirma admodum mihi videri, quibus eorum
 opinio subnititur fundamenta, qui ne familiarium quidem
 monumentorum participes fuisse libertos, nisi heredes exti-
 tissent

tissent patrono ex sententia Papiniani, quam suam facit Ulpianus in L. 6. ff. d. Tit. De relig. inferendum existimant. Saltem illud videre nequeo, quidnam impedire me debeat, quominus huncce Ulpiani locum nonnisi de monumentis hereditariis una cum Kirchmanno de funer. Rom. III. 13. aliisque una intelligere velim, quibus illud quoque in primis patrocinator; quod haud infrequens in Titulis monumentorum familiarium occurrit mentio ingratorum, impiorumque libertorum, ac libertarum, QUI PROPTER DELICTA SUA ADITUM AMBITUM ULLUMVE ACCESSUM HABERE IN MONUMENTO VETANTUR. apud Grut. Inscript. P. DCCCLXII, 5. junct. P. DCCCXLIV, 4. aliisque; quod sane non fuisset necessarium, si ipso Jure a sepulchrorum familiarium communione fuissent exclusi liberti, qui heredes patrono non exitissent.

T A N T U M.







STOLA PRAESIDIS

A D

RESPONDENTEM.

tia tanta, ut frenis potius, quam calcaribus, opus sit, et
 obitatis tramite deflecti nescia mens, sunt quae commen-
 cultores. His si accedit ingenium docile et fertile, et
 trinum perfectum. De TE subsumo PRAENOBILISSI-
 TISSIME DN. RESPONDENS. Morum TVORVM ele-
 omnibus nota est, itaque, cum notoria nulla indigeant
 is nihil addo. Quoad TVVM discendi ardorem, et egre-
 s, effectus testatur de sua causa, doctum nimirum, quo
 specimen, de TVA eruditione. Ast, quum detur falla-

H 3-

sia